

玄覽堂叢書續集

第九十一冊

何陋詩集

卷一

朝鮮世紀

會稽吳明濟子魚甫撰

朝鮮者東表日所出也因以為號其國有三朝鮮四郡二府三
 韓三國有後高麗後朝鮮後朝鮮即今朝鮮也姓李氏嗚呼其
 來尚矣東方之夷初無君長為九夷雜處昔者有唐堯氏帝天
 下二十有五年戊辰檀君氏立焉始治都邑于平壤國號朝
 鮮是為檀君朝鮮桓稚者天神桓因之庶子也降于太伯之山
 邊府東百里鴨綠遠其北平壤經其南介于遼陽其檀木之下
 大莫比蓋長白勝分也多仙佛古跡產香木故名檀木之下
 因假化合而生子以生檀樹下是為檀君檀君名儉生而神明
 九夷君之其子曰解夫妻禹會諸侯于塗山遣夫妻朝焉後封北扶
 餘王至帶素為高句麗所滅後徙白岳今王京也迄有殷氏武丁八年乙未檀君
 氏入九月山為神云壽千四十有八歲有殷后氏辛嗣立殘虐
 無度醢九仇音侯脯鄂侯剖比干囚箕子天下離析諸侯叛之謂

之曰紂有周武王伐紂而有天下于是箕子避居朝鮮殷民從之者五千餘人百工與焉箕子者殷后氏之太師也姓子氏名胥餘武王即其地而封之曰封殷太師于朝鮮以示不臣于是檀君氏後避居焉國遂莫嗣箕子就封亦都平壤國號朝鮮是為箕子朝鮮後箕子朝周過殷墟作麥秀之歌以傷之歌曰麥秀漸兮禾黍油兮彼狡童兮不我好仇箕子之治朝鮮也施八條之約以教其俗厥陋用化士知禮義民知有耻美哉華夏之風人民歡樂以大同江江即湍比河流歌頌其德歌曰河水潑潑兮曷維其極兮維我后之懿德兮箕氏世居東表咸以禮樂稱及有周氏德衰諸侯莫朝六國爭強燕伯將東畧地朝鮮朝鮮侯聞之將西伐燕以尊周室大夫禮諫不可乃使禮西說燕伯曰寡君使臣禮敢告于大王下執事曰夫燕地小而國弱西

敵強秦南闢齊趙然而社稷存宗廟食足下知之乎秦之視燕其几上肉而齊趙固世讐然秦甲不敢東下雲中趙人不敢東涉滹池豈畏燕乎畏燕方睦于韓魏也燕固孤弱三晉佐之秦趙雖強莫能得志故虛張空喝而不敢前今左右過計將欲觀釁朝鮮臣聞之與衆者兵強兵強者伯益敵者力分力分者敗亡今大王棄伯王之術而事敗亡之謀竊為惑矣敵國雖褊小寡君悉其境內砥刀礪兵以候厲車之塵臣恐燕兵一旦東到而秦趙乘其弊易水長城非王有也誠能聽臣愚計不若東合朝鮮夫比翼之鳥不比不飛大王合韓魏而成其右翼秦趙不敢謀又合朝鮮是成其左翼也左右既翼燕益重于山東矣伯王之業可翹足而待也燕伯大喜乃東合朝鮮其後六國伯強燕伯稱王朝鮮侯亦自稱王驕奢不道燕王伐之取地二千餘

里東界涓水朝鮮王東奔國遂衰弱秦始皇二十六年北築長

城東抵于遼朝鮮王否畏秦請臣焉王否卒子準立秦滅六國

燕齊趙民多東歸朝鮮

時三國皆邊朝鮮

有漢高皇帝滅秦大封功臣

以盧綰為燕王繆王燕東界涓水及燕王綰叛亡入匈奴燕人

衛滿者聚千餘人衆東渡涓水求居西鄙願為藩屏朝鮮王準

許之賜之主而封之地方百餘里令世守西鄙

是歲惠帝戊申

衛滿潛

誘亡命其衆漸盛謀襲準遣使詐告準曰漢兵十道至臣請入

宿衛準懼令滿入宿衛滿遂襲準準戰不勝南奔浮于海至金

馬郡邑為

今益州有古城亦曰王準城

以韓地金馬郡是為馬韓王自箕子

至準四十一世歷九百二十八年漢高帝十二年丙午衛滿既

襲準遂有朝鮮

時漢高后臨朝

復都平壤國仍號朝鮮是為衛滿朝鮮

滿旁伐小國方數千里至孫右渠誘漢亡人武帝遣何譙諭之

王右渠不奉詔襲殺何譙漢武帝元封三年癸酉遣樓船將軍楊僕自齊出渤海右將軍荀彘出遼東討之二軍圍平壤不相能久莫克帝又遣故濟南太守公孫遂征之遂至軍以便宜并軍并急擊朝鮮相路人最韓陰相參王呾殺右渠以降衛氏遂亡凡三世起高帝十二年盡武帝元封三年凡八十八年詔封最為陽沮侯參為灋侯陰為菽苴侯呾為平州侯分其地為四郡曰樂浪平壤今稱京曰臨屯今江原江陵府也曰玄菟今咸鏡東沃沮城也曰真蕃今咸鏡之定平府也是為四郡有漢昭帝以樂浪臨屯為東府都督府以玄菟真蕃為平州都督府是為二府先是朝鮮王準避衛滿之亂南浮金馬復脩箕子之政民多歸之統國五十四其衆十餘萬辰韓卞韓皆屬焉辰韓王者秦之亡人也避居于韓人以東界與之都辰今慶州也是為辰韓王亦曰秦韓王秦韓王王辰亦脩箕子之政男女有別行者讓

路統國十二一作弁今韓王者不知其始都于卞平壤也亦統國十二

属于辰馬辰卞咸韓地故曰三韓是為三韓三韓衰而三國興三國者

新羅高句麗百濟也有漢宣帝五鳳元年赫居世立都辰韓國號

新羅昔高墟村長朝鮮民避衛滿之亂居東南海濱蘇伐公得大

卵于林有嬰兒剖卵而出剖卵似瓢故以為氏長有聖德六村異之

共立為君呼為西于西于者華言君也立閼英氏為妃昔有神龍

見于閼英之井右脇生女因以為氏亦有聖德人謂二聖化行俗

美有箕子之風故樂浪服其有道沃沮稱為聖人今咸鏡不咸山北即肅慎氏也

其地南接穢貊北連挹樓又鞬靺亦稱為肅慎卞韓以國來歸赫居世立二十一年而高

句麗王朱蒙立有漢元帝建昭二年朱蒙立都卞韓國號高句麗

亦稱卒本扶餘卒本今平安道成川府初都卒本故名朱蒙者東扶餘王金蛙之子

也王金蛙得河伯女柳花氏于太伯南優勃水是生朱蒙朱蒙

亦卯生

河伯魚族之長其女舉子以卯從其俗也

主七歲自治弓矢發莫不中金蛙

王有子之人忌其才請殺之金蛙王弗從使掌馬朱蒙損益其

芻令駿者瘦而駑者肥七子之徒以寵乘肥朱蒙以無寵獨乘

瘦他日獵朱蒙特前驅多磴七子益忌將殺之其母柳花氏聞

其謀告朱蒙曰與其留之不足孰與棄之有餘朱蒙乃與烏伊

摩離陝父等出奔將行別其妻礼氏有娠朱蒙先斷劍座

于亭柱下謂礼氏曰即生子以是為驗遂出奔七子之徒追之

以兵朱蒙至淹流淹流在嘉山即東二十八里今大寧江也又名蓋泗江又名溥川江無梁莫能

濟追者且至朱蒙急甚仰天大呼曰蒙天帝子河伯甥急難來

奔何無濟為于是魚驚壅水成梁朱蒙乃濟其屬大驚以為神

至毛谷遇賢士三人曰冉思武骨默居朱蒙喜與俱行至卒本

州卒本沃壤也因刈管結廬披草萊而邑焉卒本扶餘王賢而

禮之妻以女生二子曰沸流曰溫祚朱蒙既邑卒本循其上流
曰沸流國其王松讓以朱蒙善射封為附庸及卒本扶餘王卒
無嗣朱蒙嗣立自稱高辛氏後國號高句麗于是伐荇人荇人今三
陟府在太伯東山南滅沃沮降松讓號稱強大朱蒙立十九年卒號東明王
太子類利嗣立徙都國內城是歲百濟王溫祚立漢鴻嘉三年
百濟王溫祚都馬韓尉禮河南環山也國號百濟溫祚者高句麗王
朱蒙之子也初朱蒙在東扶餘時娶礼氏有祚而朱蒙出
奔後產子曰類利生有奇節亦善射人以其無父多易之
類利彈雀誤中汲婦汲婦亦易其無父罵辱類利怒
請其母禮氏願求父所在禮氏許之乃出所藏斷劍與類利類
利與屋智旬鄒都祖等往見朱蒙于卒本扶餘時朱蒙已立為
王合其斷劍嘉其志乃立類利為太子而朱蒙後娶卒本扶餘

文所生二子沸流温祚恐類利不相能也亦出奔烏干馬黎等

十人從沸流奔鄒忽

鄒忽今仁州府

温祚奔尉礼百姓從之皆立為王

沸流早死國不嗣

温祚既立

是謂百濟王後徙治南漢山

今廣

又徙南平壤

今漢京也

明年春百濟宮中井泉溢有老嫗化為男子

又馬產犢一首二身卜之曰以小育大一首二身并國之象也

温祚喜謀吞馬韓當斯時也新羅高句麗百濟

是為三國

稱雄東表

之上獨新羅世脩風教其俗尚名節高遜讓薄祿位故朴氏昔

氏金氏三姓迭王禮義不衰蒲節不墮厥後混一三韓幾于十

載盛哉箕子之遺風也

赫居世朝鮮遺民所育故新羅亦箕子之苗裔也

赫居世立六

十一年而卒太子南解立有漢元始四年新羅王南解立國人

呼為次雅次雅方言神而畏敬也南解王三年馬韓降于百濟

馬韓遂亡馬韓王王韓凡二百年合前朝鮮共千一百二十八

年嗚呼子氏于斯絕矣五年倭奴國來侵以昔解脫為大輔委

軍國政焉昔解脫者多波那國

在倭東北千里

王之子也王娶于女國

異域志女國在東南海中生男五歲輒死其產蓬長二丈桃二尺

姪七載而生解脫解脫生

有異徵王恠之置諸櫝而浮諸海鵲群鳴其上有老嫗奇而收

養之長而狗齊南解王妻以女而委之政境內大治六年高句

麗徙都尉那巖城秋七月王莽伐胡徵兵高句麗高句麗不從

莽怒遣嚴尤襲擊破之降封為下句麗侯六年秋南解王卒遺

命朴昔以年長王太子以父命致國于解脫解脫讓曰理也齒

當立有漢更始二年新羅王儒理立大脩政治隣國歸之十九

年駕洛國王金首露立明年漢兵伐樂浪以其地為郡薩水以

北屬漢

時建武十九年

二十六年高句麗襲漢北平漁陽上谷太原遼

陽太守蔡彤以恩信結之罷去三十四年儒理王卒昔解脫立

有漢中元二年新羅立其婿昔解脫為王國人以儒理王從父
亂命而非之十年解脫王得閼智于始林賜姓金氏閼智方言
嬰兒也初王夜坐聞鷄鳴于始林使人求之懸金櫃于樹而白
鷄鳴其下發視之得嬰兒王喜以為己子新羅三姓送王實由
于此二十三年襲千尸居漆城之二國頗患邊欲伐之而懼其
併乃集馬于野晝夜馳騁名曰馬技二國習見弗疑一戰而舉
二十四年解脫王卒儒理王婆婆立有漢建初五年新羅王婆
婆立王賢而智脩箕子之政境內大治三十三年婆婆王卒太
子祗摩立有漢永初六年新羅王祗摩立七年高句麗與穢貊
襲漢玄菟郡二十三年祗摩王卒弟逸聖立有漢陽嘉三年新
羅王逸聖立禁用金銀珠貝令民務本二十二年逸聖王卒太
子阿達羅立有漢永興二年新羅王阿達羅立十五年有漢玄

菟郡太守耿臨以大軍攻高句麗高句麗國相臨朋答天曰漢
兵遠闕其餉不給乃固守不出漢軍飢引還答夫追戰于坐原
大敗之三十二年阿達羅王卒無嗣解脫王孫金伐休立有漢
中平元年新羅王伐休立王慧而賢解風雲之占預知水旱親
賢遠奸人呼為聖八年高句麗王男武聘處士乙巳素為國相
先是男武王令國中曰寡人不敏大臣以寵授位賢人在下寡
人耻之其令四部各舉賢良國人舉晏留而將委之政晏留言
于王曰賤臣烏足以為政乙巳素者賢人也耕于鴨綠之野王
其聘之王使人曰先生晦明原野間久矣欲以社稷之靈辱及
先生先生其有意于寡人乎使者三反乙巳素乃行男武與語
大喜以為國相大臣多誹之男武王令曰天眷豐人以國相賜
寡人寡人掃境內而屬之矣有違國相令者族于是莫敢言者

昔年國內大治及巴素死國人號泣如喪考妣嗟乎國不患無人患無以知人知而不能舉；而不能用；而不能信猶弗用之弗用猶弗舉與無人同若男武王者可謂賢明矣男武王嘗出遇哭者而問之對曰無以養父母也王曰嘻此孤之罪也為民父母使民饑餓若此乎立賑貸法以濟民男武王立十九年而卒無嗣其后于氏秘之私奔王弟發岐發岐不納又奔延優延優納之翌日于氏矯命立延優為王延優既立以于氏為后發岐耻之請師于遼東太守公孫度討居延不克死之昔者管仲相桓公伯諸侯桓公卒五公子徒作亂虫出于戶君子曰管仲之罪也乙巳素相男武王男武王卒其骸未寒于氏淫汚宮闈君子之澤五世而斬巴素之政不及其君飯含乎誰之咎與故曰君終無適子國可破也可不戒哉十三年伐休王卒孫柰

解立有漢建安元年新羅王柰解立二年駕洛國王金首露卒
壽百五十歲二十三年武庫兵自動是歲百濟來侵明年伐百
濟斬千餘級三十五年柰解王卒壻助賁立魏太和四年新羅
立其壻助賁為王助賁伐休王孫也七年吳王孫權使高句
麗高句麗斬之傳首于魏九年魏司馬懿伐公孫淵假兵高句
麗高句麗以千人赴之十三年高句麗襲魏遼東西安平破之
十七年魏幽州刺史毋丘儉將樂浪朔方之衆出玄菟攻高句
麗屠九都高句麗王出奔魏軍追不止高句麗王計窮莫知所
為軍士紐由曰賤臣請以死事王因詐降于魏其辭曰寡君開
罪于大國無所逃其死令臣先之以不腆之物為從者羞魏將
見之紐由藏刃于罽進幣因刺殺魏將魏軍不能陣乃還十八
年助賁王卒舅氏沾解立魏正始八年新羅立其舅氏沾解為

王十五年沾解王卒無嗣其塔味鄒立有魏元景二年新羅立
 其味鄒為王、親民勤政復脩箕子之政有人君之度二十三
 年味鄒王卒助賁王子儒禮立有晉太康五年新羅王儒禮立
 十四年伊西國攻新羅金城甚急忽異軍數萬珥竹葉助戰大
 敗之既而不見求之有竹葉數萬積味鄒王陵後人因呼竹葉
 陵十五年儒禮王卒助賁王孫臨基立有晉元康八年新羅臨
 基立二年高句麗鬼哭于烽山是歲地震明年高句麗國相倉
 助利廢其君相夫立乙弗為王七年百濟襲樂浪西縣取之晉
 樂浪太守遣人刺殺百濟王汾西十三年臨基王卒訖解立晉
 懷帝永嘉六年新羅王訖解立十年晉平州刺史崔毖說段氏
 宇文氏高句麗合縱伐慕容廆慕容廆不出日擊牛獨享宇文
 氏之衆高句麗及段氏疑慕容廆已合于宇文氏也引去宇文